



UDRUŽENJE GRAĐANA ZA POVRAT STARE
DEVIZNE ŠTEDNJE U BiH i DIJASPORI

RAIFFEISEN BANKA
ž.r. 161045003682073
e-mail: mnisic@spinter.net
www.starastednjabh.org

Sjedište: Banja Luka 78000
I. G. Kovačića 139b
tel. 051/380-738
fax. 051/381-374

UPRAVNI ODBOR

Broj: 1532/10

Banja Luka, 26.01.2010.

SAOPŠTENJE ZA JAVNOST

Guverner Centralne banke BiH dr Kemal Kozarić na sastanku sa predstavnicima Udruženja građana za povrat stare devizne štednje u BiH i dijaspori na čelu sa predsjednikom Upravnog odbora Udruženja g-dinom Svetozarom Nišićem, održanom 21.01.2010. u prostorijama Centralne banke BiH (CBBiH) u Sarajevu, izrazio je punu podršku radu Udruženja u nastojanjima da se zaštite prava i privatna svojina članova Udruženja ali i građana BiH u cjelini. Ocjenjujući aktivnosti državnih organa i institucija BiH, u pregovaračkom procesu sa Slovenijom i Srbijom, krajnje pasivnim i indolentnim, a uzimajući u obzir sve činjenice i dokaze predočene od strane Udruženja, o učinjenim prekršajima i malverzacijama u procesu otkupa državnog kapitala starom deviznom štednjom, guverner Kozarić je postojeće stanje ocijenio kao krajnje nedopustivo i neodrživo, a pojedine slučajeve okarakterisao je kao klasični kriminal. Krajnji ishod ovog kako je naglašeno obostrano korisnog sastanka, pretočen je u dva zaključka:

1. Guverner u potpunosti podržava rad Udruženja, a s tim u vezi i zahtjev za generalnom revizijom rada Agencije za posredničke, informatičke i finansijske usluge (APIF-a) , kancelarije u Banja Luci, ali i drugim gradovima širom RS i BiH, u procesu privatizacije, jer se osnovano sumnja da su u pojedinim slučajevima otkupa državnog kapitala starom deviznom štednjom, učinjeni prekršaji koji se u potpunosti mogu okarakterisati kao kriminalna djela.
Dr Kozarić je takođe potvrdio da je Savjet ministara BiH zadužilo građane BiH za 100 000 000 KM da se putem verifikacije isplaćuju

dijelovi tzv. stare devizne štednje samo onima koji se verifikuju i pristanu da nisu više devizne štediša a taj dug će vraćati svi nedužni građani BiH. Takođe nam je potvrdio naše dosadašnje izjave da je devizna štednja koja je pristigla u CBBiH putem sukcesije podijeljena na dva entiteta i Distrikt Brčko uz pritisak Savjeta ministara BiH, a radi se o sumi od 450 000 000 USD

2. Guverner CBBiH i predstavnici Udruženja jedinstveni su u ocjeni da je u pregovaračkom procesu sa Slovenijom i Srbijom došlo do neopravdanog zastoja, jer Savjet ministara BiH, kao strana u pregovoru, u ime prevarenih građana i deviznih štediša BiH, raspolaže kompletnim materijalom neophodnim za nastavak pregovora, koje je kako je zaključeno potrebno nastaviti u što kraćem roku. Učesnici sastanka dalje smatraju da su se državne institucije BiH u dosadašnjem dijelu pregovora ponašale krajnje snishodljivo i nisu u potpunosti iskoristile sva zakonska sredstva i pravne instrumente koji im stoje na raspolaganju, te se u nastavku od državnih organa BiH očekuje mnogo angažovaniji pristup.

Povrat stare devizne štednje je proces koji se mora provesti do kraja, sve dok posljednja devizna sredstva ne budu vraćena vlasnicima, u skladu sa postojećom zakonskom regulativom i na način da sve strane u pregovorima, budu u potpunosti zadovoljene konačnim ishodom, zajednička je ocjena učesnika sastanka.

Banja Luka,
26.01.2010.

Za Upravni odbor
predsjednik

(Svetozar Nišić)

